

A painting of a young shepherd with dark hair and a beard, wearing a yellow tunic and orange shawl, holding a wooden staff. He is reaching out his right hand towards a white lamb that is looking up at him. They are in a rugged, rocky terrain with green hills and mountains in the background under a blue sky.

# MARVÂN INTHÓPUINA

Ânkhom Manchun— Watson Goodman

Man kase — Jōr sik chang mak

## MARVÂN INTHŌPUINA

“Marvân Inthōpuina” inti lairik hi Bible hmun hlop-hlop-a inphut khôm manchunna ṭong hmun intōk-a ahruí inhmat hei kha da manchun ka-eh. Bible hrimanchên sik hi Bible kalen ka-eh tihi kataksen.

Pathen Ṭong hichu Marvânnna inphut ka-eh. Anmalunga akadik kajong hei sik achu hivahi ahnemna katam. Mi inkhat in amalung athleng inchu asetna hei ahlonsôt, khanna inphut Jesu Christa hûk-inhringpa kha malung kahlût-a ataksen, khanna akataksen mihneng Rōngpu atak khet in ânlârpêk-a amalunga mōngna khanchu inpâkna amannei. Kêñ hivahi kum 1937-na katak khet in kântōpui. Khanna inphut Rōngpu leh kankârra ânlak tatak hingja injônjet-a kêñ kachen ṭhak. Hiva jârra kêñ nan hnenga kamanthei hnôm chei chu: nagnin khava kapô kha nantalei chen mak hi achang inchu atûntak nantaksa kha Rōngpu hneng peksôt ruh.

—Watson Goodman (1920-2002)

# Pathen Lungset

1

Tâkkha eini mi kase nichang latak, eini sik jârra Christa kha kathi jo; hiva hi Pathenin eini hingtuk hrep alungset me kha amalâr-na ka-eh.

—Romans 5:8

Tûn Rakan kût revei kani mak-hma hin, Jesûn hiva ralei hi adalhonna Pa hneng ase sik pha hong kahnâi jo ti aman hret joa ka-eh. Amân hiva ralei chunga amami kachang hei ahei tik a alungset hei, khanchu anchaina katlunga anmani amalung kase heiya ka-eh.

—John 13:1

Khanchu taksen kaom sâkhi kape akathi-a inphut ahma inkeipê-na akaâthôi sôt a ânte aSapa ralei renghei vaikarôn Jesu Christa a

inphut maritna leh lungmõngna nantâ chang rasoh.

—Tongphōng 1:5

Ajârchu Pathenin vânhnöi ralei hi hingtuk hrep alungset jârra A Sapa inkhat rôk kha apêk jo, tuachang innum ama kataksen rakip thi inhmangmak ning, tâkkha kumlei kôa hringna anei jo.

—John 3:16

Lungsetna kaneimak mi'n Pathen manhret mak; ajârchu Pathen kha lungset Pathen ka-eh. Einin hringna ninei thei nasik, Pathenin a Sapa inkhat rôk kha ralei chunga ajōng tir hi Pathenin eini alung setna me amalârna ka-eh.

—1 John 4:8, 9

## Rōngpu Jesu Pathen ka-eh

Eini bek ʈong inri tak hi tute'n lenmak ti theimak hei ning! Ama mihringa hong inlâr, Rathla vâng akadik achangna ânhmu, khana marvân ngeva hen anhmua ka-eh. Jât rakip kârra Amân ʈong ahri manthang, vânhnōi in antak sen jo, khana ama marvânnna ʈhōi touva kaom jo. —1 Timothy 3:16

Rōngpu sânkathem talei hri: Nuhngâk Intheng inkhatin nai avonna sapa anei sik, khana anmanin arahming Emmanuel antati sik ka-eh, khava tina chu, Pathenin aompui me, tina ka-eh. Sânkathem talei hri ʈong hi akhenga ahong katlung jo ka-eh.

—Matthew 1:22, 23

Anphut bia ʈong kaom ʈong kha Pathen leh lei kaom sap; ʈong kha Pathen ka-eh. . . . Tong kha mihring jōng kachanga nikârra kaom. Ama akadik leh maritna kasip phet-a alûrna kha kanlei hmua ka-eh. Khava alûrna kha chu Sapa marit inkhat rōk achang kha aPa hnenga inphut anhmua ka-eh.

—John 1:1, 14

Jesûn amasônna, Philip, hing tuk pha kasôt nankhenga kaom pui jo chei; khannum nanta laman hret mak hi eng mo? Tuachang innum kei kahmu jo mi khan Pa kha ahmu jo ka-eh. Kha achang inchu heisa mo, Pa kha aman hmu ruh, nanla ti?

—John 14:9

# Jesu, Pathen Sapa ka-eh

3

Tuachang innum Jesu kha Pathen Sapa ka-eh kati mi kha Pathenna akaom ka-eh; khana Pathen kha ama ah kaom. —1 John 4:15

Ngeva khan amasônnna, Rathla Intheng nachunga kayōng sik-a kha Pathen ratha hrâtna nachunga yōng katlung sik jo. Khava jârra antheng naite kha Pathen Sapa anti sik ka-eh. —Luke 1:35

Naite inkhat eini sik-a inte jo!  
Sapa inkhat eini sik-a apêk jo me!  
Khanna Ama nivai karôn kachang sik, Arahming Ânlak Mintheipa, Akahrât Chunghnung

Pathen, Are-rea kaomthak Pa, Mōngna Rengsa, anti sik.

—Isaiah 9:6

Khang khan ama aṭonglai khan sumtuk kabang lhom inkhatin amakhu shi johei, khana sumtuk kârra inkhat-in, Ama hi kaSapa marit ka-eh, achungà kamalung katlâi, aṭong hri rangei ruh, ayōng tia ka-eh.

—Matthew 17:5

Jesûn ahnenga ahria, Nangin nahmu joa ka-eh, tûn tak-a nân-bek pui ama kha ka-eh, ati.

—John 9:37

Ajârchu Christa ah, amilung setna ah, pui katluk ah Pathen achangna kha kaomma ka-eh.

—Colossians 2:9

## Jesûn tu-eng mo ka-eh ti amanthei me

Jesûn amasôn heiya; Nangni chu hnōi ralei chunga inphut chei ka-eh, tâkkha kei chu chunga inphut akayōng eng ka-eh. Nangni chu hiva ralei chunga inphut chei ka-eh, tâkkha kei chu hiva ra lei chunga inphut changmak eng. . . . Akadik tak kahri pêk chei ka-eh: Abraham intêtmak hma alei kaomsa eng ka-eh, ati. —John 8:23, 58

Nuhmei nu khân Jesu hneng ahria: Christa inti Messiah kha akayōng sik kên kaman hret: Ama ayōng pha leh heirakip aman thei sik me, ati. Jesûn amasônnna, Ama kha nahnenga țong kahri kei eng hi ka-eh, ati pêk. —John 4:25, 26

Jesûn anhnenga ahria, Hringna

buhlom kha kei eng ka-eh. Kei hnenga akahong mi kha ahei tik a avon țammak jo ning; kei ani kataksen mi kha aheitik a atui hremak jo ning. —John 6:35

Khava jârra Jesûn ahri nôk a: Akadik tak kahri pêkchei ka-eh: Kei kêmōng kot eng ka-eh.

—John 10:7

Jesûn amanu hneng ahria: Kei thōi nôk na leh hringna eng kha ka-eh; tuachang innum ani kataksen mi kha akathi achang innum akahring sik ka-eh. —John 11:25

Nangnin kei Oja, khana Rōngpu nanti eng, nan Oja leh nan Rōngpu kachang jârra nanta ti kha kadik a ka-eh. —John 13:13

**Khana Amân mipui hei kha phi chunga khan anin ong nasik Თong apêkhei. Khava sōa amân buhlom ranga leh nga inhni kha aloa, mar-vân ting aenna vâng aderra; khana amân buhlom kha hâr akhōiyâ asonle hei hneng mipuihei kârra anta sem sik-a apêk johei. Khana sonlehei khan mipuihei kha anpêk johei. Anmanin ankhopna katlunga ansâk eat; khana anmanin ânlhei ahârhei kha anhrût-ah hrai somle inhni kasip. Akasa hei kha nuhmei naipang jaoloa, mi lising ranga kapôhei ka-eh.**

—Matthew 14:19-21

**Rakōng kha tui inthûk nating tôr manlhut det unna, nangleh na-**

**loihêñ nanlen kha vor manlhût ruh, ati. Simon in amasônna, Oja, keinîn jân sôt-a inhnak tak-a len kanvorra heite sûrmak ung, khan-num nangin nahri jârra, vor rong, ati. Anmanin anlen anvorra nga katam tak anlen inlhêrvat leova hingya ansûr joa ka-eh.**

—Luke 5:4b-6

**Jesu kangirra khana abek hei-ya, Kêñ heimo nangni katlo pêk sik chei nanta madu, atihei. An- manin ahnenga, Apu, kanhmit na- man vâr sik kan madu anti. Jesûn alungset heiya, anhmit kha asit pêk johei, khava pha anhmit ka- var joa, khana Ama anjui joa ka- eh.**

—Matthew 20:32-34

Ama vāng Pathenin marvān leh ralei chunga heirakip, hmu thei leh hmutheilo rathlā ratha hrātna hei leh rōngpu hei, khana vāika-rōn leh ʈong kaneihei asyem ka-eh. Khana Pathenin vāhnōi ralei hi Ama sik-a Ama vāng asyem ka-eh.

—Colossians 1:16

Ama a heirakip insyem, ama vāng teiloa Pathenin heite syem-mak.

—John 1:3

Pathenin . . . tūnkahnung hin chu aSapa vāng eini ânbek pui jome. Pathenin aSapa ah inphut vāhnōi ralei asyem, khana Ama hei rakip kapu aman changa ka-eh.

—Hebrews 1:2

Khava jârra Israel mi rakip in, hiva Jesu Cross chunga nanta lei makhei lhon Ama hi Pathenin Rōngpu leh Messiah kachanga asyem jo hi nanta manhret nger sik kasōk, atia ka-eh.

—Sonlehei Tōntlo 2:36

Khava jârra Christa kha akah-ring leh akathi Rōngpu achang nasik, Cross-a akathia hringnâ aka thōisōt jo ka-eh.

—Romans 14:9

Pathen hi taksen kaom tak ka-eh. Amân aSapa ni Rōngpu Jesu Christa leh sap khat kachang sik a nangni âbek manlhut jo chei ka-eh.

—1 Corinthians 1:9

# Heirakip ʈong katan Jesu Christa ka-eh

7

Kha achangin chu nangin nasō-pui chunga hei samo ʈong natan? Khan chu nangin nasōpui hnōi na-se? Eini nikhenga Pathen ʈong tanna hma-a alakangir eat sikme ka-eh.

—Romans 14:10

Akathi leh akahring mirakip tong katan sik Christa Jesu leh Pathen hmai kūnga kēn nang marit nenga kabek che ka-eh: ajār chu ama areng ram leh inthōiya akayōng sik achang jārra.

—2 Timothy 4:1

Mihring Sapa kha kalûr taka marvân tirle hei seng leh inthōiya ajōng pha, alen inongna chunga ama inong sik, khana ahmai kūnga jât rakip amantup sik hei;

kēmōng kakhem inkhatin kēmōng leh kē tak-hei athen kapōa.

—Matthew 25:31, 32

Hiva Tongkaṭha kēn kahrile dung juiya, khava kani ning khan Pathenin Jesu Christa-a mihring hei malung shunga ʈōn marûk anta mandon rakip kha hing hin ʈong atan sik ka-eh.

—Romans 2:16

Khana Tongkaṭha kha mihei hnenga kahri sik-a leh akathi leh akahring hei ʈong katen sik-a Jesu Pathenin akadei achang kha keini asâkhi katlo sik-a ʈong apêk ung ka-eh. . . . Pa khân tute ʈong tan-mak. ʈong tan nasik rakip amân Sapa chunga ratha neina apêk sô jo.

—Sonlehei Tōntlo 10:42, John 5:22

Kei kot eng kha ka-eh. Tuach-anginnum keiya kahlūt mi kha hûkman hring kachang sik; khana kahlut kasōk sik-a kha kaher dongna hmun anhmu sik ka-eh.

—John 10:9

Jesûn ama amasônna: Kei lham kha eng ka-eh, kei akadik kha eng ka-eh, kei hring-na kha eng ka-eh; keiya teiloa tute Pa hneng se mak.

—John 14:6

Khana amân tûnnum aheiti-k'am, ama inphut Pathen hnenga kahong hei sik ah hûkman hring-na atlo tôr, ajârchu ama ahei tik-a akahring ȣhak achang jârra, amani sik-a Pathen hneng angek pek ȣhak hei ka-eh. —Hebrews 7:25

Ama heirakip-a puikatluk-a syem achang sô pha, ama kataksen rakip sik ah ahei tik-a hûkman hringna kûng ama kachang jo.

—Hebrews 5:9

Khava sik jârra nangni nanset-na ah kathi sik chei tia kahri pêk chei ka-eh. Kei hi kei ka-eh, tia nantak senmak enga achang in-chu, nangni nansetna heiya khan akathi sik chei ka-eh, ati.

—John 8:24

Hûkman hringna hi Amarôk-a anhmu sik ka-eh; ajârchu eini inhûk inhring thei nasik hi Pathenin vânhnöi ralei chunga tute milak rahminga apêk ommak, ati.

—Sonlehei Tôntlo 4:12

## Christa rōk in akatlen sōt

9

Tâkkha nangni chu Pathen in Christa Jesua inchunna shunga aṭhōi manlhut jo chei, khana Pathen in Christa kha eini singna aman chang jo; Ama jârra Pathen leh inṭhōiya eini kadik-a ada jo mea, eini Pathen mi kachang jo me, khana eini nining nihñomma amasō jo me ka-eh.

—1 Corinthians 1:30

Einin tōn kātha nitlo nasik leh amata nichang nasik, ṭhatmak na rakipa inphut nin tlensōt sik-a ama abinga anpe sōt jo ka-eh.

—Titus 2:14

Vâr khōpuiya Pathenin amihei sik-a ada chen kachen sik ah rahōi kasōk-a nankasyem Pathen kha

katlāi senga inpâkna peruh. Ajâr-chu Amân eini khō-inthim ratha hrâtnâ inphut ahûk sōt jome, khana Asapa marit rēng ram shunga kahringa aṭhōi manhlut jome ka-eh. Amân eini nihning ninōmma amasō jomea, khana niset nahei ârangei mandam jo ka-eh.

—Colossians 1:12-14

Anmanin lha ther inkhat: Lairik inze kalo sik-a leh Mohor innam kasu khōiya namahlang sik-a nang narahōi ka-eh. Ajârchu nang anthâ chea, khana nathi navâng khan phung rakip, tong rakip, jât rakip, mihring rakip kârra inphut mihei kha nangin Pathen sik ah narochôk johei. —Tongphōng 5:9

Tûnchu Ama athi jo jârra eini Pathen leh intôiya kadik-a ada sap jome ka-eh; khava kakhe cheta Pathen hnuuk natna inphut eini amân ahûk sôt jome ka-eh.

—Romans 5:9

Hei jârramo nitin chu Christa athi khân niset arangei mandam jo, khana ning leh hnömma amasō jome. Pathenin amaritna me hing tuk hrep kalenna apêk jome!

—Ephesians 1:7

Ajârchu nanpu nanpa heiya inphut hring khô kahnemmak omchen nanta chenna inphut ning leh hnömma masō nasik apêk chei kha nangnin nanta manhret ka-

eh; khava kha ânhmang thei sana leh dangka kapô kha changmak; masetna kase leh hnörna kase kemöngte inkhat kapô, Christa in-pêksötna man katamtak vâng ning leh hnömmâ amasō jo chei ka-eh.

—1 Peter 1:18, 19

Hi nankhenga inruh; ajârchu hiva hi kathisen, mi katamtak set rangei mandam nasik-a kalöng sôt intepna thisen kha ka-eh.

—Matthew 26:28

Tâkkha ama vârra aom kapôa, eini vârra akaom nichang inchu, eini inkhat leh inkhat anlôi khôm me ka-eh.

—1 John 1:7

Heijâr râmo nitin chu, taksen jârra Pathen maritna khân ahûk manhring jo chei kae-Hiva hi nantôn tlo jârra changmak, tâkkha Pathen kutchoi pêk ka eh. Hiva hi nanbing tak intlona kara achangmak jârra inlen sak nasik heite ommak.

—Ephesians 2:8, 9

Khanchu eini Rōngpu Jesu Christa jârra Pathen leh inchunna ninei jo, khanchu taksen jârra Pathen leh inthôiya akadik-a ada jome.

—Romans 5:1

Ajârchu Christa Jesu leh nin chunna shunga vun tan leh tanmak heite rôi ommak jo. Lungset na vânga tòn intlo taksen kha ka eh.

—Galatians 5:6

Ajârchu Pathen sa hei seng in vânhnöi hi anta tor thei ka eh. Einîn taksen leh inthôiya vânhnöi hi nitor jo ka eh.

—1 John 5:4

Khava pha anmanin ahnenga anderra, Keinin Pathen tòn kantlo nasik, heimo kanta tlo thei sik? anti. Jesûn amasôn heiya, Pathen in nangni amantlo hnöm chei tòn kha hi ka eh: amân ayöng tîrpa kha taksen ruh, ati.

—John 6:28, 29

Nangnin Jesu hi Pathen SaPa Christa (Messiah) ka eh ti nantak sen thei nasik, khana khava nantak senna vâng khan arahminga hringna nannei thei nasik hiva hei hi ânzet ka eh.

—John 20:31

Ralei chunga inphut-a marvân  
 ânshang kapō hrep ahin, ama ka-  
 tit hei chunga alungsetna hi ân-  
 shâng ka-eh. . . . Tâk kha ama ka-  
 yana kanei mihei chunga Rōngpu  
 lungsetna leh athatna kha akhang  
 rakip-a, kumleikōa sikjo ka-eh.

—Lha 103:11, 17

Ni Rōngpu Jesu Christa Paleh  
 Pathen kha einin manpâk rih,  
 Ama lungset maritna kasip,  
 inthōpuina rakip jōng sôkna Pa-  
 then kha ka-eh. —2 Corinthians 1:3

Khava jârra maritna hmun,  
 Pathen len inông nating kangam  
 tak aleh ratha kahrok tak-a yon  
 rih. Khava hmunna khan einin ni-

madu leh nirangei na chunga apha  
 pha anîn thôpui nasik marit naleh  
 lûmlona nin hmu sik ka-eh.

—Hebrews 4:16

Rōngpu maritna leh lungsetna  
 bângtik kanei mak kha tûnnum  
 kaom ʈhak, jîngkâr kapôa ather  
 kachang ʈhak, nitinna kanisôk ka-  
 pôa kaom ʈhak.

—Lamentations 3:22, 23

Khava kha einin ʈôn kaṭha nitlo  
 jârra changmak, tâkkha Rathla  
 vâng khan hring khô therra intet  
 therne apek mea arasi mantheng  
 me ka-eh; khava jârra lungset  
 marit a ahûk manhring me ka-eh.

—Titus 3:5

**Khava jârra hinga hin Pathenin  
keini-a inphut nanhnenga ader  
chei kantahri ka-eh: ân-repui nan-  
changna inphut Pathenin athôn  
nanchang nasik-a syem chei ra-  
soh, tia keinin Christa kaghlang  
kathenga kanta ngêk chei ka-eh.**

—2 Corinthians 5:20

**Rathla leh Hmoinu khân, Hong-  
roh, anti. Tuachang innum hiva  
kathei hênnum, Hong roh, tihei  
rasoh. Tuachang innum tui kahre  
rakip, hringna tui kha khut choi  
pêk inkhat kapoa inlhâng sik ah,  
ându rakip hongruh.**

—Tongphōng 22:17

**Einin hei khat nitlo jârra chang-  
mak, tâkkha amarit me jârra**

alungdo tak-a ami kachang sik a  
abêk mea ahûk manhring jo me  
ka-eh. —2 Timothy 1:9

**Revei inchaining alûrpên ning  
kani khan Jesu kangîr sôt-a rasa  
inhnak tak-a ahria,: Tui kahre  
tuachang innum kahnenga hong  
sonna hong in rasoh. —John 7:37**

**Achang ravâng Jesûn kha  
aman hret pha, ahnuk kanâa,  
asonle hei hneng ahria: Naipang  
hei kha kahnenga man hong hei  
ruh, khâmmak hei ruh, ajârchu  
Pathen Rengram kha anmani ka-  
pô heita ka-eh. —Mark 10:14**

**Phur kahrik karôna kachâmhei,  
kahnenga hong ruh; kên châm  
manhngat chei rong. —Matt. 11:28**

**Pathen Rathla taṭhōi heiseng kha Pathen sa hei ka-eh. Hei jārromo nitin chu, Pathen tapēk chei Rathla khan sōk manchang mak jochei, khanchu ṭitna mannei mak jochei; Khava kanēk-a Rathla khān nangni Pathen Sahei aman chang jochei ka-eh. Khana khava Rathla ratha hrāt vāng khan einin Pathen hneng Kan Pa Apa, aman ti tor me ka-eh.** —Romans 8:14, 15

**Khava jārra Rōngpu khān ah-ria: Nangnin anmani nanta dahlon nger sik hei ka-eh, anmania inphut inthen ruh. Anthengmak inti leh heite tlosapmak ruh, Khana kēn nangni kalo sik chei. Kei nanpa**

kachang sik eng, Khana nangni kasapa hei leh kasanu hei aka-chang sik chei ka-eh, Akalen aka-hrāt chung hnung Rōngpu khān ati.

—2 Corinthians 6:17, 18

**Hei rakip ah inkhe beitam om-mak nasik ah tlo ruh. Ajārchu hiva ralei chung vāhnōi ṭhat-makna mihei kārra hin, marvān chunga ārsi vārpa hei vār kapōa nangni akavār nger sik chei ka-eh.**

—Philippians 2:15

**Achang innum mi ṭhahrep in ama anlei rahlāṅga antaksen; khava jārra anmani Pathen sa an-chang nasik amān anmani ṭong-neina ratha apēk hei.** —John 1:12

Ajârchu ama Rōngpu hmit hmua akalen inkhat akachang sik ka-eh. Amân vomhrui juleh kahu inhnak inmak ning. Ama anu shunga ayōng intet sō limma inphut Rathla Intheng akasip sik ka-eh.

—Luke 1:15

Mihring omchen ngai tatlo kha chu inchen senga ka-eh. Khachu hing hin abinga inlârra yōng leh kik, anthengmak, in-ortet-tot.; Syemthu lim inmuk, doi kachoi, mi'n repui bei, ânshe hei, inthang set, hnuknat, inphâm, loi lhop lhop-a inthen sôt; enkada, ju-inrûi, inlensak, hing hiva omchen hei hi anta tlo ka-eh. Hma inkeiya kapōa

tûn kârakôk nôk chei ka-eh: Hing hiva omchen katlo hen Pathen Rengram kha anta chenmak sik ka-eh.

—Galatians 5:19-21

Insing thei ruh! Nanbinga revei-ya invei inkhop sik rôk leh ju inrui sik khana tûnlai hringkhô sika nanmalung peman lhûtmak ruh, akinchu khava kani kha manhret-man loa châng-kap kapōa nan-chunga jōng katlung khâk sik.

—Luke 21:34

Khôvar mihei kapōa einin omchen kaṭha tlo rih; hurinthok ju inrûi, omchen kaṭha mak, omngai kachang mak, innâk inse, thang set, tlo mak jorih. —Romans 13:13

Amân ahnenga, Nangin namalung rakip, naratha rakip, khana namandonna rakip vâng Rōngpuna Pathen kha nalungset sik ka-eh. Hiva hi akarônpêñ leh hma inkeipêñ ɔngpêk kha ka-eh, ati.

—Matthew 22:37, 38

Jesu khōhme a sik ahêñ tluk sōt pha, mi inkhat hong katlânnna ahma hong katlu-a, ahnenga, Akañha Oja, kumsôt hringna kachen thei nasik kên heimo katlonger sik akasôk? tia aderra ka-eh. Jesûn ahnenga, Heisa mo akañha nati eng? Pathen teiloa akañha tute ommak. Mi thâmak roh; yôngmak roh; inrumak roh; malei

sei tlomak roh; mi hönmak roh; nanu napa kaya roh, ti ɔng-pêk hei kha nangin naman hret-a ka-eh, ati. Mipa khan amasônna, Oja, hiva ɔng pêk seng hi kasînna inphut kahei jui ka-eh, ati. Jesûn ama aenna, amalungset joa, a-hnenga ahria: Nangin inkhat rōk nalavât kaom. Se roh nanei rakip vayôr inna, sara khôdeng kathei hei vasem pêk hei roh, khana nangin marvânnna karôi nanei sik ka-eh; khava sôa hong inna kakahnung hong jui roh, ati. Mipa khan hiva ɔng hi athei pha, ahmai sô kamôk joa, malung inrima kase sôt jo, ajâr chu ama mi kahao tak ka-eh.

—Mark 10:17-22

Nangni nanbi binga inhōn inthla mak ruh: Pathen tûte tahōn thei chang mak. Mi inkhat in hmuchi atavor tak kha ânkhôm sik ka-eh.

—Galatians 6:7

Naipang hei, tutēn hōn mathlāk mak chei rasoh! Christa kha akadik achang kapōa, tuachang innum ṭōn dik katlo kha mi kadik ka-eh. Tuachang innum setna katlo injom ṭhak mi kha Seitan tâ ka-eh; ajârchu Seitan khân ânphut bia inphut setna alei tlo ka-eh.

—1 John 3:7, 8a

Yông leh kîk omchen katlo min Pathen rengrom kha chen mak ning ti nangnin inchenna nanman hret-a ka-eh. Nan bi-binga nangni

inhōn inthlamak ruh, yông leh kik, syemthu lim kabe, mi-kahur, pase leh pase kaye, min-ru, phâm-rai kase, ju-inrui, mikatei tôm, dân kasukhōi, hiva hei inkhat rōk innum Pathen rêng ram kha nanta chenmak sik ka-eh.

—1 Corinthians 6:9, 10

Tong kadikmak vâng tuten hōn mathlamak chei rasoh: ajârchu Pathen ṭong kayuimak hei chunga ahnuk natna ayông katlung sik kha khava jâr pêntak kha ka-eh.

—Ephesians 5:6

Mi inkhat in ama hei khat eng ka-eh tia aman don lâi tak khan, ama heite emak jo, ama abibinga anhōn inthla jo ka-eh.

—Galatians 6:3

Mi inkhat vâng ralei pumpui chunga setna hong kahlût, khana setna khan thina ahong manhlut-a ka-eh. Mi hring rakip akaset sō anchang jârra, mi rakip chunga thina katlung joa ka-eh. Tâkkha taksa ralei mihring ngai malung tamadu väirônnâ khân thina arôn sôt ka-eh; khana Rathla tamadu malung väi rônna khân hring na-leh malung mõngna arôn sôt ka-eh. Taksa ralei mihring malung tamadu väirônnâ na thôiya kaom mi kha Pathen leh anre ka-eh . . . .

—Romans 5:12; 8:6, 7a

Khava jârra akathamak amadu arangei kha pui ahong tluk pha setna amasō ka-eh; khana setna

kha pui ahong tluk pha, thina amasō ka-eh. —James 1:15

Tâkkha tit-kasehei, lhamrinthei kachangmak hei, mikahôn in-thlahei, mikathâ hei leh omchen kadikmak-a kaom, doi kachoihei, syemthu milim inmuk hei, khana malei kaseihei seng omna sik-a kât kakâng hmei dir anchen ka-eh. Khava kha vóihni thina kha ka-eh.

—Tongphöng 21:8

Tâkkha nanai pa hichu alei kathi kha tûnchu aka hring jo ka-eh, khana alén hmang jo kha, tûnchu ni hmu nôk jo ka-eh, khava jârra rehöi revei nitloa ânpâk sik me ka-eh, ati. —Luke 15:32

**Khana Anthengna Rathla** dung  
juiya thina inphut athōi khan Pat-  
hen Sapa achang ratha kahrât tak  
leh inþōiya amalârra ka eh.

—Romans 1:4

Amân hi ahri sōa rasa inhnak  
tak a aonna, Lazarus hei sōk roh,  
atia ka eh. Mi kathipa kha thika-  
zena vâng akhut ake inze-a khana  
ahmai kathi pōn ankhu kha hei  
kasōk joa ka eh. Jesûn anhnenga  
ahria, sōt ruh, khana manse ruh,  
ati.

—John 11:43, 44

Pa khan kei alungset eng, ajâr-  
chu ken kahringna kha kapêk sôt  
hnōm, tichu khava kha kên ka-  
chen nôk sik ka eh. Keiya inphut  
kahringna hi tutêl lomak. Kêl ka-

lung do tak a kapêk sôt ka eh. Kêl  
khava kha pêk tor naleh loma le  
torna ratha kaneiya ka eh. Hiva  
tlo torna sik ahin kaPa khan kei  
tong apêk joeng ka eh, ati.

—John 10:17, 18

Khavasôa ama kase-a akalóng  
kha avasit a, khana andom hei  
kha kangir heiya, Jesûn ahria,  
Rether, thōi roh! katiche ka eh,  
ati. Akathi pa kha in onga kaþong  
inphut jo.

—Luke 7:14, 15a

Kei akahring þak inkhat kha  
eng ka eh! Kei leikathi eng; tâk-  
kha enroh, are-re a sik-a kahring jo  
eng. Kêl thina ram chunga leh  
thina chunga tōng neina ratha  
kanei.

—Tongphōng 1:18

**Kei teilo pathenlak kamuk mak ruh.**

**Marvân chunga achang mak leh raleichunga achanga, tuishunga achang mak leh raleichung thōiya achanga khanna kaom syemthu milim inkhat rōk-am nang sik-a insyem mak roh. Syemthu milim inkhat bek hmai kûnga inkunna kamuk mak roh, ajârchu Kei na Pathen leh na Rōngpu eng ka-eh....**

**NaRōngpu Pathen rahming mōk-a hrimak roh, ajârchu tu achang innum khanga katlo hei kha Rōngpu hâkserna chanloa ommak hei ning.**

**Na Rōngpu Pathen tongpek nit ina serning kani mantheng roh.**

**Niruk sûnga natôn seng kha tlo roh; kachanga nisari tluk ning chu Rōngpu Pathen châm inhngat ning kani ka-eh.**

**Nanu napa kaya roh, khava kha naRōngpu Pathen tongpêk ka-eh.**

**Mi that mak roh. Mi nuhmei-puise chunga jōng mak roh. Inru mak roh.**

**Na-inn sir na-inn venna mihei chunga akadik mak sâkhi pemak roh.**

**Na-inn sir na-inn venna mi nuhmei, mi sa chunga thangset nei-mak roh, achang mak leh anneianser, anhlei chunga, ansôk-anse chunga nathang manse mak roh.**

**—Deuteronomy 5:7-21**

Amân mihring hei kethon rakip a-enna ka-eh. Inthim-a inthim pakjo, khava jârra Pathenna inphut set karôn kathup tor sik ti mak roh, thup tor mak tinche.

—Job 34:21, 22

Kên kahmu tor mak nasik hmuna tutennum inthup tor mak. Kei marvân chungam khanna ralei-chungam akaom eng manhret mak che mo? —Jeremiah 23:24

Marvân chung ting kasen num, nang kaom che, vânhnōi ralei thina hmun nah khan kân ungin num, khana khan num nang kaom che. . . Tâkkha nang sik a chu jân

om mak, ânthim khâm nang sik a chu sûn kapôa akavâr ka-eh. Ant-him leh akavâr kha nang sik a chu ân ang tling ka-eh. —Lha 139:8, 12

Pathen hnenga ânthup tor sik heite ommak. Akhut syem rakip ahmai kûnga ânlâr sôpet a kaom ka-eh: khana eini nibing eat-a niomchen nîntin tana kha nik-henga Pathen hneng nila pêk nger hisik ka-eh. —Hebrews 4:13

Hei hei achang innum ânthup kha vânga ahen choi sôt sik ka-eh, khana hei hei achang innum mak-hukhum-a akaom kha ânhmu sôt nger ra khôvârra ahêñ choi sôt ka-eh. —Luke 8:17

Mihring Sapa khân marvân tir-lehei ayōng tir sik, khana amanin a Rengram shunga mikasu inpâi heileh dânkase omchenna kaom seng achom mantûp sikhei. Khana anmanin hmei khur shunga anlhon manhlut sik johei, khava hmunna khan ṭap leh hakarôtna kachang sik johei.

—Matthew 13:41, 42

Mikaṭha mak seng leh Pathen kahôt seng lhut nasik kot khachu thina hi ka-eh.

—Lha 9:17

Tâkkha tûnna kaom marvân leh ralei hichu hmei vâng suk manhang sik-a Pathen ṭong khân athenna kaom ka-eh. Anmani hei kha mi kaṭhamak hei ṭong tan na-

sik kani ninga sik leh sukman hmang sik a adaa aṭhen johei ka-eh.

—2 Peter 3:7

Nakhut achang makle nake achang innum setna amasō sik chen chu, tan sôt inna nanga inphut lhon sôt roh. Khut inhnileh ke inhni pumma kumlei kōa hmei khûrra lhon manhlut nachang kanêk-a, khut katlek leh ke-ink-hoiya kum sôt hringna nahlût nang sik kaṭha jôk.

—Matthew 18:8

Anmani Rōngpu lûrna kalen tak hmai kûnga inphut kei sôt-a kaom sikheiya kha kum leikōa khôdeng theina tanti anta pek sik hei ka-eh.

—2 Thessalonians 1:9

Ajârchu amân ami kadei sôt inkhat vâng vânhnöi ralei hi ʈong dik vâng antong amantan nasik kani inkhat atepsa jo ka-eh. Amân mihring thina inphut akei mathöina vâng hin mirakip hneng amanchenna amalâr jo ka-eh, ati.

—Sonlehei Tōntlo 17:31

Mi rakip vōikhât ala kathi nger sik ka-eh, khava sô leh Pathen in antong atan sik ka-eh.

—Hebrews 9:27

Lairik rabu shunga alen zet kapōa an omchen leitlo dung kajuiya akathi kha ʈong anta tan ka-eh.

—Tongphōng 20:12b

Khava jârrah Pathen inhret mi hei kha mathlemma anomna in-

phut Rōngpûn ahûk sôtze amanhret, khanchu hurna tinga antaksa ansuk innim hei leh Pathen ʈongneina kahnöise mikat̄hamak hei kha ʈong tan ninga sik-a adaze Rōngpûn amanhret-a ka-eh.

—2 Peter 2:9

Ajârchu taksa ralei hringkhō shunga mirakip in akaṭha leh aka-se atlo dung jui ya atarahlâng sik rahöi kasök kha aralhang nasik, nikhenga Christa ʈong-tan inonga âng shunga alân lâr eat hisik me ka-eh.

—2 Corinthians 5:10

Khava jârrah eini mi rakip in, ama ama omchen antintana kha Pathen hneng apêk sik ka-eh.

—Romans 14:12

**Khava jârra khan mi hring tōn tlo leh amaduna chunga anngam chang loa, Pathen lungset marit rōk jârra anngam ka-eh.**

—Romans 9:16

**... Pathenin anlensak ahōt, tâk-kha ansin sak alungset, inti.**

—1 Peter 5:5b

**Akhut choipêk man kase jârra hin einin Pathen kha manpâk rih.**

—2 Corinthians 9:15

**Tâkkha Pathen khut choi pêk mankase kha Adam setna kapō kha changmak; ajârchu khut choi pêk kha setna kha leh inangmak. Mi inkhat set jârra mi katam tak aka thi hi akadik ka-eh. Tâkkha**

**mi inkhat tichu Jesu Christa maritna vâng khan mi katam tak khut choi pêk man kase apêk jârra Pathen maritna kha akakhe cheta akalen ka-eh.**

—Romans 5:15

**Ajârchu ni Rōngpu Jesu Christa maritna me kha einin niman hret: Nangni mi kahao inkhat nan-chang nasik-a, ama khang tuk hrep-a akahao alei chang ravâng, nangni sik jârra sara yōng kachang jo.**

—2 Corinthians 8:9

**Ankhenga chunga Pathen in an-maham amanthat pêk heiya, sonle hei khan Rōngpu Jesu thōisôt tōng ratha kanei tak-a sâkhi antloa ka-eh.**

—Sonlehei Tōntlo 4:33

Mihring hēn Pathen anlei manh-retmak na pha kha, heitea tei pēkmak jo, tākkha tūn chu hmun rakip-a mi rakip in anṭhatmak na lhamma inphut anin le nasik ṭong apēk jo ka-eh.

—Sonlehei Tōntlo 17:30

Nanmalung thleng ruh, ajârchu marvân Rêng ram kha kahnai jo, tia ahri lea ka-eh. —Matthew 3:2

Peterin anhnenga ahria: Nan-setna inphut nanmalung thleng unna Jesu Christa rahminga baptize chang eat ruh, kha achang in-chu nansetna hei inngei dam sik, khana Pathen khut choi pēk Rath-la Intheng kha nangnîn nanchen sik jo.... Khava jârra nansetna

hei abōi nasik insîr unna, Pathen hneng henle ruh.

—Sonlehei Tōntlo 2:38; 3:19

Khaleh in ang hrep-a, malung thleng nasik inngei mak sōm kō leh kō kanêka mi kase inkhat in amalung athleng jârra marvân chunga inpâk na akakhe cheta akaom sik ka-eh, ti hi kēn kahri pēk chei ka-eh. —Luke 15:7

Heijârra mo nitîn chu, Pathen tahmang malung inrimna khân, hûkman hringna sik tinga lham kakei, malung thleng nasik-a akaṭhōi kha achang jârra insîr nasik ommak. Tâkkha ralei chung malung inrimna khachu thina amasō ka-eh. —2 Corinthians 7:10

Mi kaṭha mak in ahlam hro, mi kadik mak in ataksa tamandon masō rasoh; khanna amân Rōng-pu Pathen hneng hong inle rasoh, khava khan Pathenin lungset-a arôn sik, ajârchu amân pui katluk-a arangei mandam sik.

—Isaiah 55:7

Ajârchu nangnin nanchunga mi sukṭhena hei kha nan rangei mandam inchu, marvânnna, nanPa'num arangei mandam sik chei ka-eh.

—Matthew 6:14

... Jesu jârra setna hei rangei mandam nasik chung chânga ṭong kanta hri hi inchêñ tak a manhret eat ruh.... Pathenin Israel mihei anmalung anthlenga,

ansetna hei rangei mandam nasik a, lham inkot inkhat apêk nasik, Pathenin ama kha lhamkakei leh Huk in hringpa kachang sik a achang tinga kaom sik a akei mathôi jo ka-eh.

—Sonlehei Tōntlo 13:38b; 5:31

Jesûn anmani taksen kha ahmu pha, Sapa, nasetna hei inngei dam joche, ati.

—Mark 2:5

Rangei roh! kei kot kûnga kangir enga kot karaki; karasa katheiya kot inlhang mi inkhat aom inchu, kei ainna kahlut sik enga kha ama leh kasâk sap sik, amân kei leh âsâk sap sik ka-eh.

—Tongphōng 3:20

Ajârchu mi rakip hûkman hring anchang thei nasik, Pathen in alungset maritna kha amalâr joa ka-eh. Hiva ralei chunga Pathen titna, akadik, binga insûr torna hring khôa hring nasik, khana Pathen kañitmak hei leh ralei chung lungdo masô nasik, lungset maritna hin eini amanse me ka-eh.

—Titus 2:11, 12

Raleichung leh ralei chungtâ kachang neinâk rakip madumak ruh. Nangnîn raleichung hi nanta mаду achang inchu, nangnîn Pa lung-set nasik nanshunga neimak jochei. Ajârchu ralei tâ kachang seng taksa tarangei, hmit tama-

du, raleichunga mihring malung inlensakna hihei seng hi Pa inphuta akajōng changmak.

—1 John 2:15, 16

Khô inthim tâ kachang hei hnemna kase tòn katlo hei kha leh heite tlosap mak ruh. Khava kanek-a chu, antòn tlohei kha khôvârra malâr sôt pêk jôk hei ruh.

—Ephesians 5:11

Ea taksen thei kachangmak mi hei! Vânhnöi ralei tòn kachang hi Pathen kadöi ka-eh ti manhret mak chei mo? Tuachang innum vânhnöi ralei tòn chang sik indu mi khan Pathen indöi pui chang nasik antlo ka-eh.

—James 4:4

Tuachang innum Christa leh anchun mi khachu akathar inkhat kachang jo; amarō kha kathleng sō jo, ather kha hong katlung jo.

—2 Corinthians 5:17

Inru khachu marûk sik, thasik, khana sukman setna sik rōk a akahong ka-eh. Kei chu anmanin hringna annei thei nasik, khava hringna kha pui katluk a hringna achang nasik a akayōng eng ka-eh.

—John 10:10

Christa kha mi kadik achang nangnin nanman hret; khava járra akadik katlo rakip kha tuachang innum Pathen sa hei ka-eh ti manhret ruh. . . . Pathen sa kachang jo

mi inkhat khân setna tlo manjom mak jo ti einin niman hret, ajâr-chu akañhamak inkhat khân ama asuk manset tormak nasik Pathen Sapa khân akahûk ah ka-eh.

—1 John 2:29; 5:18

Jesûn amasõnna, Kadik tak a kahri pêk che ka-eh; tuachang innum ânte thermak mi khân Pathen Reng ram kha hmu tormak ning, ati.

—John 3:3

. . . Tâkkha nangni chu Pathen Rathla a intheng jochéi; Pathenna inpe sôt jo chei; Rōngpu Jesu Christa rahminga Pathen leh inthöiya akadik kachen kachang jo chei.

—1 Corinthians 6:11b

Hmalai khan nangni setna leh tong juimak jârra rathla ting aka-thi chei ka-eh. . . . Khana Christa leh inchun sômna shunga marvân ramma Christa leh vâi rônsôm nasik ah Amân amathōi sa jome ka-eh.

—Ephesians 2:1 at 6

Eini setna akathi mea, khana a-kadik-a nihring nasik Christa ama tak in masetna hei kha ataksa chunga cross ah arôn ka-eh. Asung bi rôn vâng khan nangni a-mandam jochei ka-eh.

—1 Peter 2:24

Nangni Christa leh inþöiya hringna sik-a keimathöi kachang jochei, khava jârra Pathen chang tinga Christa alen inongna mar-

vân chunga akaom neinâk hei chunga nanmalung manlhût ruh. Hi-va ralei chung neinâk hei chunga changloa, marvân chunga neinâk hei chunga nanmalung daruh. Ajârchu nangni kathi jochei, khana Pathenna Christa leh inþöiya nanhring khô kha ânthup jo ka-eh.

—Colossians 3:1-3

Kha changmak! Eini setnâ ka-thi jome, chu achang inchu, setnâ hei khong mo eini ala kahring þak thei sik-me? . . . Khava kha leh inang hrep a nangni set a kathi jochei, tâkkha Jesu Christa leh inþöiya Pathenna hringnâ khan akahring nan chang hi nanbinga mandon ruh.

—Romans 6:2 leh 11

Mose'n ram thōiya sum-eng-mari sung tlōn inkhat vāng alei makhei mansāng kapōa mihring Sapa kham makhei mansānga akaom sik ka-eh. Ajârchu tua-chang innum akatak sen rakip in kumsôt hringna anei nasik ka-eh.

—John 3:14, 15

**Khana hiva hi kumsôt hringna kha ka-eh:** tichu nang rōk akadik tak Pathen nachang leh nayōng tîr Jesu Christa kha mihei taman hret sik hi ka-eh.

—John 17:3

Tuachang innum Sapa kataksen mi khân kumsôt hnringna anei jo; tuachang innum Sapa kataksen mak mi khân hringna hmuhermak

ning, tâkkha Pathen hnuknatna achunga akaom ɬhak sik ka-eh.

—John 3:36

Ajârchu setna tahlo sôt khachu thina ka-eh; tâkkha Pathen khut choi pêk mankase khachu ni Rōngpu Jesu Christa leh inthōiya inchunna shunga kum sôt hringna kha ka-eh.

—Romans 6:23

Akadik tak kahri pêkchei ka-eh: tuachang innum kaṭong hri katheiya aniyōng katirpa kataksen mi khân kumsot hringna anei jo. Amân thina arakan sôt a hringna anei jo ka-eh, aṭong intanmak jo ning.

—John 5:24

Hinna hin Pathen Rathla leh  
eini rathla anchun heiya eini Pathen  
sa nichang kha aman hri sôt  
me ka-eh.

—Romans 8:16

Tuachang innum Sapa kachen  
rakip in hiva hringna hi anei jo;  
tâkkha Sapa kachen mak mi khân  
hringna kha neimak. Pathen Sapa  
rahming katak sen nangnîn kum-  
sôt hringna nannei jo ti nanman  
hret nasik hi kên kahei mazet ka-  
eh.

—1 John 5:12, 13

Tuachang innum kaṭong pêk  
hei inlhânga akayui mi kha kei in-  
lungset ka-eh. Kei anin lungset mi  
kha kaPân amalungset sik ka-eh:  
kênum ama kamalungset sik

khan chu amahneng kei kabinga  
inlâr sik eng ka-eh, ati.

—John 14:21

Ajârchu mi rakip in akadik  
heimo ka-eh tikha antlo sik, khava  
khan mōngna kaom sik khanna  
kutsuk-kesuk nasik aheitik-a  
omak ning.

—Isaiah 32:17

Nangni Asa hei nanchang malâr  
nasik, Pathen in Asapa Rathla  
kha ni malung shunga ayōng  
tirra, khava Rathla khan, Apa,  
Kapa, tia abek.

—Galatians 4:6

Pathen in apêk jome a Rathla  
vâng hin, eini Pathenna niom kha-  
na Pathen einia aom kha niman  
hret ka-eh.

—1 John 4:13

Tûnchu kei nahenga kahong sik jo eng, khana anmanin kanpâkna kha anmalung shunga ak-henga pui katluk a anneï thei nasik, ralei chunga hihei hi kahri ka-eh.

—John 17:13

Tâkkha kên nangni kânhmu pui nôk sik chei, khana nanmalung shunga inpâkna kasip sik, khang khava inpâkna kha tutêñ num nangnia inphut losôt tormak ning.

—John 16:22b

Hei jârramo nitin chu, Pathen Rêng ram kha sâk leh in lang tinga changmak, tâkkha Rathla Intheng tapêk dikna, intôk-in-chamna, inpâkna hei hi ka-eh.

—Romans 14:17

Khava jârra kei hringmak jo eng, kashunga akaom Christa kha akahring ka-eh. —Galatians 2:20

Kei nanchunga kanpâk a, khana nangni naninpâkna pui atluk thei nasik a hiva hi kahri pêk dek chei ka-eh.

—John 15:11

Nangin kei hringna ting kayòn lham kha naman hmu sik; naâng kûnga kanpâkna kasip phet, khana nânþang puina engin ahei tik a aman hôi eng.

—Lha 16:11

Nangnin Ama nanhmu mak ravâng nanlungset-a ka-eh; khan chu tûn nanhmumak ravâng Ama nantaksenna ka-eh; khava jârra hri thei loa inhnak tak-a inpâk cheiya ka-eh.

—1 Peter 1:8

Thina sik setna sōk achanga,  
Pathen leh akadik-a dasap nasik  
sōk achanga, athōiya nanva lhûta,  
pa ṭong kayui sik leh asōk nan-  
chang sik kha nangnin inchēnna  
nanman hret-a ka-eh.

—Romans 6:16

Khana nangni khōdeng kathei  
chei kha hōina apek sik chei, kei-  
nim hōina apek sik ung ka-eh. Hi-  
va hi Rōngpu Jesu kha marvān na  
inphut amarvān ngeva kalenhei  
leh inṭhōiya ayōng in lar pha leh,  
Pathen inhret mak hei leh, ni  
Rōngpu Jesu Christa Tongkaṭha  
kayuimak hei kha amān hmei  
male vāng tanti apek sik hei ka-  
eh. Anmani Rōngpu lûrna kalen

tak hmai kūnga inphut kei sōt-a  
kaom sikheiya kha kum leikōa  
khōdeng theina tanti anta pek sik  
hei ka-eh. —2 Thessalonians 1:7-9

Ajârchu Dân ṭong kathei hnâm  
rōk mi kha Pathen hmai kūnga  
akadik changmak; tâkkha Dân  
ṭongpêk katlo mi kha Pathen  
hmai kūnga akadik-a akaom ka-  
eh.

—Romans 2:13

Tuachang innum sōngkot a kah-  
lût a khōpui akatlung, hringna  
thing kûng kara kasa sik rahōi  
kasōk, khana apōn shi kasôp in-  
theng mi kha amaham kaṭha.

—Tongphōng 22:14

**Khana Pa Pathen kha manlûr nasik, Jesu Christa kha Rōngpu ka-eh tia mi rakip in inphōng tak-a anta ôn sik ka-eh.** —Philippians 2:11

Tuachang innum mihei hmaikûnga kei in lhâng kha, kënnum marvâンna kaom kaPa hmaikûnga karalhâng sik ka-eh. Tâkkha tua-chang innum mihei hmai kûnga kei sik-a kahnômmak kha, kënnum marvâンna kaPa hmaikûnga ama kahnôm pêkmak sik ka-eh.

—Matthew 10:32, 33

Tichu namalung ahnômma, na-bei in, Jesu kha Rōngpu ka-eh, ti na hri sôt inchu, khanna Ama thi-na inphut Pathenin akei mathoi jo ti nân malung shunga taksenna

na nei inchu, nang hûkman hring kachang sik che. Ajârchu einin nihnômna kha nibeiya nihri sôt jo khan hûkman hring kachang jo me ti nimalunga nitak sen jârra, Pathen leh kadik a ada sap jome ka-eh.

—Romans 10:9, 10

**Ajârchu Asapa kahnôm mak mi khân aPa khâm ahnôm pêkmak ka-eh; Asapa inlhâng mi khân aPa khâm aralhâng ka-eh.** —1 John 2:23

Mi inkhat kei leh katong ânya puiya achang inchu, mi hring Sa-pa khan apa lûrna leh a ngeva hei lûrna leh inþhoiya ama kalûr tako ayông pha leh ama pakha ânya pui sik ka-eh.

—Luke 9:26

Nangin anmani anhmit naman vārpēk heiya khō inthimma inphut khōvâr ting nahei male sik hei ka-eh, khana seitan ratha hrâtna inphut Pathen ratha hrâtna ting nahei le sik hei ka-eh, khana anmanin kei antaksen eng jârra ansetna rangei mandam anchen sik khana Pathen takadei mihei kârra anmanin hmun anta chen sik ka-eh, ati.

—Sonlehei Tōntlo 26:18

Khava pha Rathla khân Jesu kha ram thōiya Diabol taen mansin sik-a aṭhōi sōt jo.... Khava pha Jesûn ahnenga, Seitan, sesôt roh; ajârchu hing hin inzet, Nangin Rōngpu naPathen rōk kha

nakamuk-a asepa narazen sik ka-eh, ati. Khava pha Diabol khan adahlon jo; khana marvân Ngeva hei kayōng heiya Jesu sepa anhôn thō pui jo. —Matthew 4:1, 10, 11

In rin ṭhak a, insing thei ruh! Ajârchu nantân repui Diabol kha sabakkai ihrung kapōa kalônnna, tumo khat made sik a aen lea ka-eh.  
—1 Peter 5:8

Atorna penna nangni Rōngpu ratha hrâtna vâng leh ama ah inchunna shunga akangar kha chang ruh. Seitan lungthim kaṭhamak kadōiya nanngir tor na-sik, Pathen tapek chei re-von rakip kha invon ruh.

—Ephesians 6:10, 11

Amân naipang hei ati kha, mihring taksa leh thisen karôn hei hi ati achang jârra, Jesu ama tak khâm anmani kapō inkhat hong kachanga, mihring ngai ahong chen. Khana thina chunga tóng kaneipa Diabol kha asuk manhmang thei nasik, Ama khanga ahong kathi ka-eh. —Hebrews 2:14

Tuachang innum setna katlo injom ṭhak mi kha Seitan tâ ka-eh; ajârchu Seitan khân ânphut bia inphut setna alei tlo ka-eh. Seitan tön tlo hei kha akasu inhmang sik a Pathen Sapa kha ajōng inlâr ka-eh.

—1 John 3:8

Khava jârra Christa lungsetna inphut tunmo eini akei ḫthen tor

sik me? Khava hei seng chunga hin, anin lung setpa jârra pui katluk a akator kha kachang jome!

—Romans 8:35, 37

Khava jârra nangni Pathen hneng hlût ruh. Seitan kha tingruh, khana Seitan kha nangnia inphut katlân sik jo. Nangnin Pathen hnai ruh, khanchu amân ahnai sik chei.

—James 4:7, 8a

Khava pha akaṭhamak inkhat kha hong inlâr sik, khana Rōngpu Jesu ayōng pha leh abeiya inphut akahu vâng Akaṭhamak kha athâ sik khana alûrna ayōn lâr vâng asuk manhmang sik jo ka-eh.

—2 Thessalonians 2:8

Kên mihring ʈong hei leh marvân tirle hei ʈong kayôm thei innum, lungsetna kanei mak inchu, kaʈong kha dâr mahring leh sumkhut ben mahring kapō hrep kha ka-eh. —1 Corinthians 13:1

Tâkkha Rathla kara khachu: lungset, inpâk, intōk-incham, dehrât, lûmlo, ʈhatna, taksen thei kachang, mi'n lungset, binga ansûrtor. —Galatians 5:22, 23a

Mi inkhat in, Kên Pathen ka-lungset, ti sonna, au-anai aen ka-da achang inchu, ama amalei kasei; ajârchu amân au-anai hmen lungset loa, ahmita ahmumak Pathen kha hei khong mo alung-set sik? —1 John 4:20

Nangni inkhat leh inkhat nanin lungset a achang inchu, mirakip in nangni kasonle nanchang kha anta manhret sik chei ka-eh.

—John 13:35

Või hni tlukna Jesûn ahnenga, John sapa Simon, kei nalungset eng mo? ati nôk a ka-eh. Amân amasônna, Ok, Rōngpu, kên ka-malungset che nangin naman hret a ka-eh, ati. Jesûn ahnenga, Kake-mōng hei hrung kaṭha roh, ati.

—John 21:16

Einin nisōpui hei ni lungset niman hret; khan chu thina kha nida lhon joa hringna ah hong kahlût jo me ti nimanhret.

—1 John 3:14

**Jerusalemma** leh Judea ram shunga aṭōn tlo rakip an hret chēn kha keini ung ka-eh. Anmanin ama kha **Cross chunga ankir man-kop** a anta joa ka-eh. Tâkkha nithum ning Pathen in ama thina inphut amathōiya, khana ama in-lârra ka-eh. Ama mirakip in lei hmumak hei, tâkkha asâkhi ka-chang sik a Pathen takadei sôtsa ung keini rōk in kanhmua ka-eh. Ama Pathenin amathōi sôt sôa kanta sâksap puiya kanta insap pui ka-eh. —Sonlehei Ṭontlo 10:39-41

Jesu thina inphut athōi sô pha, hapta kani hma inkei pêñ ning jingkâr hma pêñ Mary Magdalene

achunga ṭai (seitan) sari ahnong sôt nu hneng inlârra ka-eh.

—Mark 16:9

Hapta khat sô a sonle hei kha Thomas jaona inn shunga intup nôk joheiya ka-eh. Kotkhâr hei ankîr, tâkkha Jesu ankârra hong kangirra anhnenga ahria, Malung mōngnân ompui chei rasoh, atihei. Khava sôa amân Thomas hneng, Hin kakhut hong kahmei inna hong enroh; khanchu nakhut hong kabân inna kamanâk hong sit roh. nangin nataksen mak kha taksen jo roh! ati. Thomas in amasônna, Ka Rōngpu leh Ka Pathen! ati.

—John 20:26-28

Hiva hi mandon lha mak ruh:  
ajârchu akathi rakip in thlân  
khurra inphut a ama rasa anthei  
pha, anthlân khurra inphut an-  
hong sôk nasik pha kha ala yōng  
katlung sik ka-eh; tōn kaṭha katlo  
hei kha akahring sik a kathōi sik-  
hei, khana ṭhatmak katlo hei kha  
anṭong tanna sik a akathōi sik hei  
ka-eh.

—John 5:28, 29

Pa lûrna ratha hrât khan Chris-  
ta kha thina inphut akei mathōi  
kapōa, eini hring khō thar inkhat-  
a nihring nasik, baptize nichang  
hi athina Ama leh akathi sap mea,  
eini ama leh anvûm sap jo me ka-  
eh, Hei jârramo nitin chu, Ama  
athi kapōa einim athina shunga

khan Ama leh inṭhōiya hmun  
khat a nilei thin chu, Ama hringna  
akei mathōi kapōa, einim ama leh  
inṭhōiya hmun khat-a hringna  
akei mathōi sik me ka-eh.

—Romans 6:4, 5

Tâkkha Christa kha nan shunga  
aom inchu, . . . Pathen leh inṭhōi-  
ya kadik a adasap jochei jârra  
Rathla kha nangni sik-a hringna  
kachang jo. Thina inphut Jesu  
hringna kakei inthōi Pathen Rath-  
la kha nanshunga aom inchu, nan-  
taksa akathi sik khâm tûn nan  
shunga Rathla kha aom jârra  
Christa thina inphut kakei inthōi  
Pathen khân hringna apêk sik  
chei ka-eh.

—Romans 8:10, 11

**Khanchu ani kadōi heiya inphut ahûk sôt sik mea ɔ̄ng atep. Eini ni hring lâi seng ahmâi kûnga antheng leh akadik nichang nasik ahnōm pek me.** —Luke 1:74, 75

**Kaṭhōn marit hei, hihei seng hi eini hnenga atong tep kha ka-eh. Khava jârra Pathen kaṭit tak-a akahring, pui katluk tak-a intheng nasik jong rih; taksa leh rathla intheng makna inphut nibing eat-a intheng sôt rih.**

—2 Corinthians 7:1

**Nan malung thleng malârna tuiya kên baptize katlo chei; tâk-kha kei kanêk-a kalêñ ratha kanei tak inkhat kakahnunga kahong, ake-kok kachoi sik bekâm kei**

**rahōi changmak; amân nangni Rathla Intheng leh hmei vâng baptize atlo sik chei ka-eh.**

—Matthew 3:11

**Pa Pathenin alung do tak-a nangni aRathla vâng mi intheng inkhat kachang sik-a leh Jesu ɔ̄ng kayui sik ah athisen vâng asuk mantheng cheiya akadei sôt jochei ka-eh.**

—1 Peter 1:2a

**Tuachang innum mi inkhat in hiva ɔ̄thatmak hei rakip a inphut a hin abi-binga ânsuk inthenga achang inchu, ama kha marit tak-a hmang sik kachang sik, ajârchu ama Rōngpu tahmang sik-a ânpe sôt ɔ̄n kaṭha rakip sik-a ântluk ka-eh.**

—2 Timothy 2:21

Khava jārra Jesu thisen vāng mihei setna mantheng nasik, khō-pui sōng kot vāng ting akathi ka eh.

—Hebrews 13:12

Eini ahmai kūnga thena kase antheng nichang nasik, vāhnōi ralei syemmak hmā inphut Pathen in atā kachang sik mea Christa ah alei kadei jome ka-eh. Antheng leh akadik tak kachang hring khō-kadik tak-a abi-binga ânlâr, Pathen kapō hrep a ansyem hring khō ther nunchen kha nangnīn nāntān von sik ka-eh.

—Ephesians 1:4; 4:24

Tākkha einīn nisetna hei Pathen hneng nihri sōt-a achang in-

chu, akadikmak nilei tlona rakip a inphut amān aman theng sik me, khana nisetna hei kha arangei mandam sik me, ajārchu ama akadik katlo taksen thei tak kha ka eh.

—1 John 1:9

Hingahin neinâkseng hi anh-mang sōsik jo jārra heikhong hringkhōamo akaom sik jochui? Nan hringkhō apum-a pui katluk-a Pathen hneng nantapek sōt sik ka-eh.

—2 Peter 3:11

Mirakip leh intōk incham nasik leh hring khō inthenga om nasik tak intlo ruh, ajārchu khava loa chu tutēn Rōngpu kha hmutormak ning.

—Hebrews 12:14

Nangni aka Თhamak chei in hmen, nansahei neinâk kaṭha pêk-ze nanmanhret inchu, marvânnna kaom nan-Pa rarap khân chu akakhe cheta akader hei hneng Rathla Intheng kha ayōng pêk sik ka-eh, ati.

—Luke 11:13

Khana anmanin ander sō pha, anin tûpna hmun kha innok-a ka-eh. Khava pha anmani seng Rathla Intheng kasip phet heiya kang-am tak a Pathen Თong anhri in-phut joa ka-eh.

—Sonlehei Tōntlo 4:31

Nanshunga Karathla kada pêk sik chei, khanna kaṭongpêk leh dân katapêk seng nangnin nan jui kên kahmu sik.

—Ezekiel 36:27

Achang ravâng Pathen Rathla kha nanshunga kadik tak-a aka-om achang inchu, Rathla taman thei chei dung juiya akahring jochei ka-eh; taksa ralei mihring ngai taman thei chei dung juiya akahring changmak jochei. Tuachāng innum Christa Rathla ka-neimak mi kha Christa mi changmak.

—Romans 8:9

Tâkkha Rathla Intheng kha nanchunga ayōng pha leh nang-nin ratha hrâtna nannei sik.

—Sonlehei Tōntlo 1:8a

Antioch a kaom sonle hei kha Rathla Intheng leh inpâkna kasip phet joheiya ka-eh.

—Sonlehei Tōntlo 13:52

Rōngpu kha malung kangui hei hneng inhniaya kaom; amân in-hörna kanei hermak mihei kha ahûk hei.

—Lha 34:18

Jesûn ahnenga ahria: kadik, nangin nator inchu; taksen kanei mi sik a heirakip ka-eh thei sō pet, atia ka-eh.

—Mark 9:23

Kasōpui marit hei, enmansinna de intaktak nan chunga ajōng tlung pha, ngai phung hermak kanchunga jōng katlung jo tia in-permak ruh. Khava kanek-a inpâk jok ruh, ajârchu alûrna kha an-phōng pha tak leh, naninpâkna kha pui atluk thei nasik Christa deman rimna kha nangnin nanta chen pui ka-eh.

—1 Peter 4:12, 13

Amân anhmit rathli ahni man hi pêk sik hei ka-eh. Thina omnôkmak jo ning, khanchu malung in-rimna, natna leh ṭana omnôkmak jo ning. Neinâk marō rakip in-hmumak jo.

—Tongphōng 21:4

Rōngpu kha taksen roh khana akaṭha tlo roh; naomna ramma khan kamōnga kahring sik che.

—Lha 37:3

Ahma inkeiya Pathen Rengram leh Adikna kha jongruh, khana khava heiseng kha nangni in-pêksa sik chei.

—Matthew 6:33

Khana enruh, pha anchai katlunga aheitika kên kanṭhōi pui ṭhak sik chei, ati.

—Matthew 28:20

**Khana Ama khet'um mathlemna aratōa khana khōdeng theiade manrim achang jārra, tûn hin mathlemna kaom hei kha amân an-thōpui torhei ka-eh.** —Hebrews 2:18

**Ni-lung mōngna kung kachang Pathenin inrang tâk-a seitan kha nanke thōiya amanchōn rachi sik chei.** —Romans 16:20a

**Mi kat̄ha khān khōdeng theina katam tak anei, tâkkha khōdeng theina rakipa inphut Rōngpun ama ahûk a ka-eh.** —Lha 34:19

**Nan chunga mathlemna aka-hong rakip kha mihring tade tor sik kakhea hongmak. Ajârchu Pathen kha aṭong tepna chunga khan taksen kaomtak ka-eh.** Am-

ân nantade tormak sik, akakhea mathlem nasik hnōmmak ning; tâkkha mathlemna nan ompha, detor nasik ratha apēk sik chei; khan chu apesōt thei nasik lhamum amân amantluk pêk sik chei ka-eh.

—1 Corinthians 10:13

**Khana hiva pha bong khat azi-ngte inrim khōdeng thei kanta de hin pha kasôt tak-a lûrna sik athōi sik ung ka-eh, kanin rimna kha mahamthatna khan hingya akhe sik ka-eh.**

—2 Corinthians 4:17

**Ajârchu, Pathen taman tluk dung juiya abêk hei, ama inlung set mihei that nasik, heirakip inchun eat-a ṭōn atlo ka-eh, ti einin niman hret.**

—Romans 8:28

Kên kapa bek inn shunga ama kha chopui inkhat kaman chang sik, khana ahei tik-a amân kha ada lhonmak sik ka-eh. Kên ama chunga kaPathen rahming leh ka-Pathennâ inphut marvânnâ kâ-yōng Jerusalem thar kaPathen khöpui rahming kha achunga kamazet sik ka-eh. Karahming thar rum achunga kamazet sik ka-eh.

—Tongphōng 3:12

Torna kanei hei kha hiva pōn kacheck kapō anin shi sik, khana hringa lairik rabu shunga inphut anrahming manhmang pêk mak hei ning. Khana KaPa hmai kunga leh angevahei hmai kunga, Anmani kei tâhei ka-eh, tia inlâr

tak-a kahri sik. Torna kanei mi kha, kên torna kaneiya, tun kaPa len inongna hnenga kânóng jo kapōa, kên kalen in ongna hnenga ân ong nasik kapêk sik ka-eh.

—Tongphōng 3:5, 21

Tuachang innum torna kanei mi kha hiva hi keiya inphut achen sik ka-eh: Kei a Pathen kachang sik eng, khana ama kasapa kachang sik.

—Tongphōng 21:7

Khava jârra nangin kôr nanei inchu, Rathlân bekrup hei hnenga ata hri kha rangei roh! Torna kanei ama hnenga khan Pathen rahôn shunga akahmông hringna thing kûng kara kha asâk nasik kapêk sik ka-eh. —Tongphōng 2:7

Nuhmeihêñ puise anta nei sik a kên tong pêk inkhat kanei, hiva hi kei tapêk changmak, Rōngpu tapêk ka-eh. Puise kanei nuhmei khân apuise inthen puimak rasoh. Amanûn apuise anthen pui inchu, ama abinga omrasoh: kha achangmak inchu ama apuise leh inbe thei nôk rasoh: khana puise inkhat in anuhmei damak rasoh.

—1 Corinthians 7:10, 11

Manenna inkhat-a, puise kanei nuhmei inkhat, apuise hring lâi seng amanu kha dân khan apuisea akhit ka-eh; tâkkha apuise kha athi jôn chu, dân in amanu kha apuisea inphut amasô jo ka-eh. Khava jârra apuise hring lâiseng

amanu kha pase lhop inkhat leh avaom inchu, amanu kha mikayông anti sik ka-eh; tâkkha apuise kha athiyôn chu . . . masô jo ka-eh.

—Romans 7:2, 3

Tuachang innum anuhmei kada a nuhmei lhop kaom pui mi kha akayông ka-eh; khana mita da nuhmei inkhat kaom pui mi khâm akayông ka-eh.

—Luke 16:18

Yông jârra changloa, mi inkhat-in anuhmei ânthen pui (ada) jinchu, khana amanu khân puise thar anei jinchu, amanu kha amân aman yông jo ka-eh; khana mitân thenpui (danu) kaom pui mi kha tuachang innum akayông ka-eh.

—Matthew 5:32b

Khana kasea nangni sik hmun kava mantluk sō leh yōng inle nōk sik enga kha, kahnenga sik a khahong ṭhōi sik chei, khava jārra kei omna hmunna khan nangnim akaom sik chei ka-eh. —John 14:3

Kei jōng inrang sik eng. Nang in natorna mana kha tutēn amarûk sōt tormak nasik, nachen kha inda kaṭha roh. —Tongphōng 3:11

Khava jārra tuachang innun tūnlai setna leh ṭhatmakna khang shunga hin kei sik leh kaṭong sik jārra ânzak mi inkhat sik akhan, mihring Sapa khâm apa lûrna leh inthōiya angeva intheng hei leh anyōng pha ânzak sik ka-eh, ati.

—Mark 8:38

Khava pha mihring Sapa jōng nasik hmer chikna sik kha inhmu sik jo; khava pha ralei chung jât rakipin an-ōp ankabēn na kaṭap sik hei, khana mihring Sapa kha marvân sūmtuk chunga arathanei naleh alûrna kalentak leh inthōiya anmanin anhmu sik jo.

—Matthew 24:30

Nangnin num khang khan ade hrât ruh. Rōngpu yōng nasik kani kahnai jo, inhōr tak a dehrât ruh.

—James 5:8

Ajârchu nisō tinga khō ahōnphe khan atlai tlâk katlung araâng kapōa mihring Sapa kayōng sik kha khang, kati sik ka-eh.

—Matthew 24:27

Anmani inhnin anhnenga, Ea, Galilee mihei, heisamo akangir cheiya marvân ting nanta en? Hiva Jesu, nangnia inphut marvânnna anþōi tou nanta hmu kapō-pōa hin ama ayōng inle nôk sik ka-eh, anti. —Sonlehei Tōntlo 1:11

Khava pha mi hring Sapa kha ratha kanei tak-a leh kalûr tak-a sûmtuk chunga kayōng sik a-kha ayōng inlâr sik ka-eh. —Luke 21:27

Kaþhōn marit hei, eini Pathen sa kachang jo me, tâkkha heimo ala hong kachang sik me ti einin inchênnna laman hret mak hi me. Tâkkha einin hi niman hret; tichu Christa ajōn lâr pha, ama inchênn tak-a nihmu sik, khana einin ama

nipō sik ka-eh. Christa kha ântheng achang kapōa, tuachang innum Christa ah inhōrna kanei mi kha abinga insu intheng rasoh.

—1 John 3:2, 3

Rangei ruh! Kei inru kapōa kayōng sik eng ka-eh! Mipui kârra pônsi derkeiloa kaoma inzak aratômak nasik, kahlîm tak leh kasing thei tak-a apôn ader kaen in tup mi kha amaham kaþha!

—Tongphöng 16:15

Ajârchu mihring Sapa kha Apa lûrnaleh inþhôiya amarvân tirlehei leh akayōng sik ka-eh, khava pha leh mi rakip an tōntlo dung juieat-kara apék sik ka-eh.

—Matthew 16:27

## Pathen Tong

Marvân leh ralei chu inh mangsik, tâkkha kei ṭong chu inh mangmak ning, ati. —Luke 21:33

Ajârchu sânsôt sik ṭong kha mihring lungdo a inphut hong sôk phungmak, tâkkha Rathla Inthengin mihei chunga ṭôn atlao Pathenna inphut akayōng ṭong kha anta sânsôt ka-eh.

—2 Peter 1:21

Ajârchu Tong Intheng rakip hi Pathen kaphûk masa khum ka-eh, Pathen ṭôn katlo mi kha ṭôn kaṭha rakip tlo nasik pui katluk a rahōi kasôk chang nasik intlukna, akadik inthei nasik, akaṭhe manse nasik, akadikmak mandik nasik. —2 Timothy 3:16, 17a

## Derna leh Rangeimandam

Nangnin hing hin derruh: Marvânnna kaom kanPa Pathen: Narahming kaya omrasoh; Narengram yōng tlung rasoh; Marvânnna nalungdo ântlo kapōa, raleichunga intlo rasoh. Tuning kani kankatluk sâkleh-in ape-roh. Keinin kan chunga akaṭhe hei kanta rangei mandam kapōa kanta ṭhe arangei mandam roh. Mathlem na aṭhōimak roh, tâkkha akaṭhamak inkhat a-inphut ahûk sôt roh: ajârchu Rengram, Rathahrât, khana Lûrna aheitika nata ka-eh. Amen.

—Matthew 6:9-13



Read booklets online or by App  
[www.wmp-readonline.org](http://www.wmp-readonline.org)